



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 245. 246. De traditis bonis in villis Adikenhus et Holthusun in pagis
Huetigo atque Enterigawi.

urn:nbn:de:hbz:466:1-36114

Ab anno
854 vsq̄ue
877 re-
gnante
Hludo-
uico et

§. 245.

Tradidit ico pro anima filii sui radulfi quidquid in terris et filuif habere poterat in *adikenbus* (b) testes bardo comes uuichman ecbert uualtheri magenheri haric ragendac odi marcuuard thiathard alfric raginheri edulf uualthard beif beuo uuihung thiadric gherhard fini.

§. 246.

Tradidit uualin in *holtbusun* (c) quidquid ibi habuit cum familia una testes uual adulf thanculf hariulf anulo.

§. 247.

Tradidit adalmer pro anima bernharii comitis mansum unum coniacentem in his uillis ita nuncupatis in *franconbus* (d) et in *beribrunnum*

ditionibus nostris non amplius inueniatur, e bonis tamen, quæ ille in Weteriba possedit, manifestum est, eundem ad stemma veterum comitum Hassiacorum, seu ad gentem Conradi I, regis Germanorum, fuisse relatum. De eo pluribus egi supra §. 216. Fortassis *Magengodus* noster filius Landfridi et frater Gerhonis erat. Videtur ille post hæc comitatum suum nactus in pago Wormerzfeld. Teste enim diplomate regis Arnolphi ad annum 889, in Eccardi *Histor. Genæal.* p. 259 seqq, villa *Techedestein* erat in pago Wormerzfeld sita & quidem in comitatu *Megengaudi*. Id si ita est, certum erit, iam inter progenitores ducis Wormatiensis Conradi (vti a Gotfrido. Viterb. in Chronico P. VII. appellatur, quo cum Widekindus noster consentire videtur, referens *Annal. L. III.* per regis imperium corpus ducis Conradi honorifice collectum et transportatum esse Wormatiam, ibidemque sepultum esse) quendam, scilicet *Magengodum*, comitatum, seu si mauis, ducatum habuisse Wormatiensem. Eiusdem *Magengodi* mentionem iniecit Annalista Saxo p. 229. seq. referens, anno 892 regem Arnolfum Zuendibalcho filio suo honores comitis *Meingaudi* ex parte largitum esse: mense enim Augusto *Meingaudum* comitem, nepotem Odonis regis ab Albrico et sociis eius in monasterio S. Sixti interfectum esse, eiusque corpus Treuiros deportatum et apud S. Maximinum sepultum esse. Si hæc nostra connexio firma est, quaeritur, quo sensu *Magengodus* nepos appellari potuerit Odonis regis, filii Roberti. Habes hic, quæ, si uoles, cogites. Teste corpore *Trad. Fuld.* p. 236 *Megingoz* a. 952 comes erat. An diuersus ab eo, cuius mentio iniicitur l. c. p. 284 num. 72, fuerit *Magengodus* noster, nunc non libet definire.

- (b) *Adikenbus* villa erat, Registro nostro testante, sita in pago *Huuetigo*. Eadem ergo villa erit ipsa, quam supra §. 167 in diplomate quodam regis Arnolphi deprehendimus. Est autem hæc villa dudum desolata, olim haud procul ab oppido Nihem in episcopatu Paderbornensi obuia. Eadem esse videtur, quæ in feudalibus litteris recentioribus appellatur *Adegissen*, de qua in *Clientela Corbeiensi* disseram pluribus. Interim *Iconem* cum filio suo *Radulfo* ad stemma Widikindeum referre uoluimus. Quemadmodum enim illud e bonis, in pago *Huuetigo*, ad familiam Widikindeam spectante, sitis, fit uerisimillimum: ita quoque probabili ex coniectura *Iconem* filium, eiusque natum *Radulfum* (cuius nominis quidam domini in gente Widikindea occurrunt) nepotem Beniconis IV appellauimus in tabula stirpis Widikindeæ, ad §. 104. not. (††) adducta.

De villa
Holtbusun in pago Enterigawi.

- (c) In nostro Registro sequitur *Holtbusen* in pago *Enterigawi*. ita enim uerba sonant: *In holtbusen in pago Enterigawi continetur mansus cum familia vna.* E quo momento concludimus, designari vicum *Holtbusen*, in superiori comitatu Hoia situm. An *Walin* filius fuerit *Wicmodi*, qui in eodem pago, testante §. 61, quædam tradidit, id alii exquirant uelim.

De villa
Franconbus in pago Hefsi.

- (d) Villa *Franconbus* erat, teste nostro Registro, sita in pago *Hefsi*. Eadem ergo villa subesse intelligitur, in qua supra §. 180. *Hadwi*, soror *Luidolfi* ducis, mansum unum tradidit Corbeiensibus.

(e) *Heri-*